

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: **UP-1/21-3-40-542-5/22**
Datum: **19.12.2022. godine**

«Agencija za vodno područje rijeke Save» Sarajevo rješavajući po zahtjevu „BH Telecom” d.d. Sarajevo, za izdavanje vodne dozvole za izgrađeni podzemni magistralni optički spojni put na području općine Sanski Most na prostoru naselja Trnova i dijelu naselja Šehovci, za dionice koje se nalaze u vodnom dobru rijeke Sane, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06), člana 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E **o vodnoj dozvoli**

1. Daje se vodna dozvola pravnom licu „BH Telecom” d.d. Sarajevo, zastupano po „Eling inženjering” doo Teslić, za izgrađeni podzemni magistralni optički spojni put na području općine Sanski Most na prostoru naselja Šehovci i Trnova, za dionice koje se nalaze u vodnom dobru rijeke Sane, a u postupku tehničkog prijema izvedenih radova i pribavljanja upotrebne dozvole za istu.
2. Vodna dozvola se izdaje na osnovu dostavljene dokumentacije, utvrđenog činjeničnog stanja prilikom vršenja uviđaja na licu mjesta, tehničke i ostale dokumentacije dostavljene od strane Investitora, uz slijedeće uslove:
 - 2.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 2.2. U toku važenja dozvole vršiti tehničko osmatranje dijelova objekta izvedenog u blizini obale rijeke Sane te da se sva značajna opažanja interpretiraju u skladu sa važećim propisima.
 - 2.3. Da se vodi dnevnik rada o svim manipulacijama i pojavama koje se dešavaju na objektu, a koji mogu imati negativne posljedice na vode, obale i korito rijeke Sane (rušenja obala, ekstremno velike vode, ispiranje rovova podzemne mreže uslijed velikih voda, i sl.).
 - 2.4. Da se trajno čuva sva raspoloživa dokumentacija i na zahtjev nadležnih organa iz sektora voda, stavi na uvid.
 - 2.5. Vodna dozvola se odnosi na izgrađeni podzemni magistralni optički spojni put, za dionice koje se nalaze u vodnom dobru, odnosno na mrežu definiranu navedenim geodetskim elaboratom, kako slijedi:
 - Spoj postojeće predmetne mreže (podzemni vod) prolazi kroz dionice koje se nalaze u vodnom dobru, do podzemnog voda postojeće mreže magistralnog voda kroz entitet Republika Srpska, desna obala rijeke Sane. Spojni put prema odobrenju za izvođenje radova izdano od strane općine Sanski Most - postojeća mreža, prolazi kroz parcele označene kao k.č. broj: 690/2, 2054, 2052, 2047 i 2, K.O. Sanski Most I (desna obala rijeke Sane), te kroz parcele označene kao k.č. broj: 1235 i 1237, K.O. Šehovci i prelazi na k.č. broj 698/1 i 699 K.O. Trnova, a novoizgrađeni dio spojnog puta nastavlja preko parcela označenih kao k.č. broj: 697, 690, 696, 695, 322 i završava na 2015 K.O. Trnova.
3. Prava stečena po ovoj vodnoj dozvoli ne mogu se prenositi na druga pravna ili fizička lica.
4. Ukoliko radom predmetne mreže, dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 15 (petnaest) godina od dana pravosnažnosti ovog rješenja.

7. Prije isteka važnosti ove dozvole Korisnik je dužan da zatraži njeno produženje ili podnese zahtjev za izdavanje nove vodne dozvole.
8. Za izgradnju novih, rekonstrukciju ili uklanjanje postojećih objekata i dijelova predmetne kablovske mreže te promjenu uslova korištenja iste, ako bi se time uticalo na promjenu kvaliteta i kvantiteta voda odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
9. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „BH Telecom“ d.d. Sarajevo, obratilo se putem opunomoćenog predstavnika sa zahtjevom za izdavanje vodne dozvole dana 07.10.2022. godine, a za poboljšanje i proširenje usluga na području grada Sanskog Mosta, Federacije Bosne i Hercegovine i međunarodne optičke mreže.

U provedenom postupku dostavljena je i pregledana sljedeća dokumentacija:

- Ovjerena kopija Aktuelni izvod iz sudskog registra, izdan od strane Općinskog suda u Sarajevu, broj 065-0-RegZ-22-008882, dana 06.09.2022. godine,
- Ovjerena kopija Uvjerenja o registraciji poreznog obveznika, izdano dana 13.10.2014. godine, od strane Federalnog ministarstva finansija, Porezne uprave Federacije BiH – Kantonalnog poreznog ureda SARAJEVO,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem: 04/1-17-1-UPJR/1-6808-2/14, dana 11.11.2014. godine, u Banjaluci,
- Kopija uplatnice upravne pristojbe i federalna administrativna taksa,
- Kopija rješenja o vodnoj saglasnosti, izdano od strane Agencije za vodno područje rijeke Save Sarajevo, pod brojem UP-I/25-2-40-353-2/21, od dana 20.09.2021. godine,
- Punomoć zastupnika podnosioca zahtjeva broj: 00.1-16.1-59392-3/19 3430 od 04.07.2019. godine, izdata na ime „Eling –Inženjering“ doo Teslić od strane „BH Telecom“ dd Sarajevo,
- Kopija Rješenja o odobrenju za izvođenje radova na izgradnji magistralnog optičkog spojnog puta na području općine Sanski Most broj: UP-1-03-19-2-1268/21 od 07.12.2021. godine, investitoru „BH Telecom“ d.d. Sarajevo, Franca Lehara br.7. izgrađena u užem i širem urbanom području grada Sanskog Mosta i to na dijelu naselja Šehovci i Trnova čija je trasa prikazana u Glavnom projektu broj 478 – P/2021, juna 2021. godine, izrađen i ovjeren od strane „Urbis Centar“ doo Banja Luka, revidiran od strane „HKP Consulting“ doo Banja Luka pod brojem 991/22 od 28.10.2022. godine, izdano od strane Službe za urbanizam, prostorno uređenje, građenje i poslovno-stambene poslove općine Sanski Most pod brojem: UP-1-03-19-2-1268/21, dana 07.12.2021. godine,
- Elaborat Geodetskog snimanja komunalnih uređaja telekomunikacione mreže, izrađenom i ovjerenom od „Geomap“ doo Prijedor od 18.05.2022. godine, ukupne dužine trase 3042,67 m; Izdata saglasnost pravnom licu „Geomap“ doo Prijedor, od strane Službe za imovinsko-pravne, geodetske poslove i katastar nekretnina Općine Sanski Most pod brojem: 06-26-325/22 od 18.07.2022. godine,
- Izjava o nadzoru izdata od strane „Edi-Ing“ doo Donji Vakuf pod brojem: 1-29-N-SM-12/21-1 od 07.09.2022. godine,
- Izjava izvođača radova „Eling Inženjering“ doo Teslić, izdata pod brojem: 230/22 od 07.09.2022. godine
- Zaključak o visini i roku za plaćanje posebnih troškova broj: UP-1/21-3-40-542-3/22 od 29.11.2022. godine te kopija uplatnice za iste.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak objekta mreže kablovske televizije i tom prilikom je sačinjen zapisnik o uviđaju broj: UP-1/21-3-40-542-4/22 od 30.11.2022. godine.

Uvidom na objektu je utvrđeno:

Predmetna mreža – magistralni podzemni spojni optički put, je izvedena u skladu sa odobrenom projektnom dokumentacijom. Radi se o podzemnoj mreži te je stoga od podnosioca zahtjeva tražen geodetski snimak izvedenog stanja, te izjave nadzornog organa i izvođača radova o izvedenim radovima. Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su

ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva «BH Telekom» d.d. Sarajevo, ispunio minimum uslova za izdavanje vodne dozvole za izgrađeni podzemni magistralni optički spojni put na području općine Sanski Most na prostoru naselja Trnova i dijelu naselja Šehovci, te je riješeno kao u dispozitivu ovog Rješenja.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tarifnog broja 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 i 8/00).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac Sektora za izdavanje vodnih akata


Haris Ališehović, dipl.inž.građ.

Dostaviti:

- „BH Telecom“ d.d. Sarajevo, Franca Lehara 7. 71000 Sarajevo
- „Eling Inženjering“ doo Teslić, SV. Save 87a, 74270 Teslić
- AVP Sava, ISV – Vodna knjiga
- Sektor 50
- ☉ Sektor 40, arhiva,
- Oglasna ploča AVP Sava